

## LAMENTATIO SECUNDA TERTII DIEI

ALEPH.

Quomodo obscuratum est aurum,  
mutatus est color optimus!  
dispersi sunt lapides sanctuarii  
in capite omnium platearum!

BETH.

Filii Sion inclyti,  
et amicti auro primo,  
quomodo reputati sunt in vasa testea,  
opus manuum figuli!

GHIMEL.

Sed et lamiae nudaverunt mammam,  
lactaverunt catulos suos:  
filia populi mei crudelis  
quasi struthio in deserto.

*(Elegia quarta, 1-3)*

Jerusalem, Jerusalem, convertere ad Dominum Deum tuum.